



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An inita sponsalia mutuo consensu dissolvi possint sine Judicis
authoritate, etiam quando sunt juramentō firmata?

urn:nbn:de:hbz:466:1-41144

430 **A**D I. Q. R. quamquam non nulli, cum Jo. Andr. c. de illis n. 1. fin. de spons. do- cuerint ad dissolvenda sponsalia valida prærequiri Judicis Ecclesiastici sententiam, excepto casu ingressus Religionis, & matrimonii alterius contracti.

Nihilominus dicendum est cum Antonin. p. 3. r. 1. cap. 18. §. 1. casu s, Host. c. 2. de spons. si. Inn. c. si- cut eod. tit. un. Sylvest. verb. spon- salia n. 10. Emm. Sà eod. verbo n. 12. Sanch. l. 1. de spons. D. 52. & D. 69. Mastr. num. 86. Bonac. de matr. D. 1. pun. 10. n. 15. Averf. Ledesim. utrōque, aliisque, quando causa est manifesta, aut de causa sufficienti constat, non re- quiriri Judicis sententiam, sed pos- se per se, & ex natura rei propria authoritate, & mutuo consensu puberum sponsalia dissolvi.

Ratio est; quia omnis res per quascumque causas nascitur, per easdem dissolvitur, C. 1. de reg. jur. Ergo cum sponsalia ex mu- tuo consensu consurgant, eodem per se dissolvuntur; siveque habet praxis teste LaCroix l. 6. p. 3. num. 213. Dixi per se & ex natura rei, quia per accidens, v. g. ratione scandali vitandi, fieri potest, ut necessaria sit Judicis authoritas, ut recte advertit Sanch. l. c. uti etiam tunc, quando causa est certa de ju- re, vel de tacto, sed occulta, & sponsalia publica; si tamen causa

certa sit occulta, & etiam sponsa- lia sint occulta, posse propria au- thoritate dissolvi; quia cessat tunc scandalum: imò si culpa sit ita oc- culta, ut probari nequeat coram Judice, vacabit culpâ sponsalia publica propria authoritate dissol- vere; ut docet citt. Sanch. cum Palud. & aliis; quia ex una parte petita licentia negabatur ob proba- tionis defectum; ex altera parte recuperat innocens rem sibi debi- tam, quam juxta omnes fas est propria authoritate capere, quan- do in judicio recuperari nequit.

Idem affirmant citt. DD. de sponsalibus juramentô firmatis, casu, quo causa dissolutionis est certa, & juramentum in partis fa- vorem præstitum est; quia jura- mentum dirigitur in Deum, tan- quam in testem promissionis homi- ni factæ: unde homine remitten- te, & condonante, etiam ipse Deus remittit: imò omni juramen- to, quod in favorem, & utilita- tem hominis præstitum est, inest tacita hæc conditio, nisi ab isto re- mittatur. Ut notat Sanch. cum a- liis. Ut tamen contracta sponsalia licite sic dissolvantur, tria requi- runtur juxta citt. Sanch. l. c. D. 52. Palud. tr. 28. d. 1. p. 17. & alios. Pri- mū est, ut consensus in dissolu- tionem ex utrāque parte sit liber, non metu, fraude, aut precibus importunis extortus; nam remis- sio, quæ ab invito extorquetur, ab obligatione non liberat; est enim

Nun 3 quæ-

quædam species donationis, quæ debet esse liberalis, & libera. 2. ut remissio sit mutua; alias illa duntaxat pars ab obligatione libera erit, cui facta est remissio, non autem illa remisit jus sibi quæsumum. 3. Ut remissio sit partibus sufficienter nota, & utrinq[ue] acceptata. Cæterum si unus absque justa causa petat relaxationem sponsalium, potest exigere compensationem pecuniariam; lecūs si ex justa causa petat; quia tuncjus habet ad dissolvendum, nec æquum est, ut quis emat rem suam. Gob. n. 265.

431 Ad 2. Q. R. sponsalia etiam iurata dissolvi per subsequentem fornicationem, decisum est, C. quemadmodum de iurejur. ubi duplex redditur ratio, 1. quia fornicatio matrimonio superveniens, ipsum dissolvit quoad thorum: ergo à fortiori dirimet sponsalia, per quæ sponsi obligantur ad matrimonium contrahendum. 2. Quia tali iuramento inest tacita conditio, nisi alter peccet & fidem frangat; frangenti enim fidem, fides servanda non est, & quia ob hoc fornicans fit suspectus de fide in futurum servanda.

Ubi tamen notandum est, hanc sponsalium dissolutionem esse in solius innocentis favorem, adeoque fornicantem obligatum manere, innocentem verò ab obligatione liberum esse, ita ut si ipse velit, nocens obligatus sit ad eorum im-

pletionem. *citt. C. quemadmodum de jurejur.* & DD. communiter cum Sanch. D. ss. n. 6. Sot. Sylv. Covar. Laym. Wiest. Schmalzgr. quia proprium delictum non debet immunitatem præstare fornicanti, & absolutionem à contractu, & insuper quia quod favore alicujus introductum est, non debet in ejus damnum retorqueri, l. quod favore, C. de legibus. & DD. communiter.

An autem, si sponsa illatā vi ab altero cognita sit, sufficiens, & justa causa sit dissolvendi sponsalia, dubium est, & controversum. Non nulli cum Tabien, V. sponsalia, q. 9. n. 10. cas. 6. & Armill. eod. n. 12. arbitrantur, sponsalia per vim ab alio sponsæ illatam, seu stuprum non dissolvi, nec esse causam sufficientem resiliendi. Ratios dant; quia oppressio violenta in conjugib[us] non est causa sufficiens faciendi divorciū: ergo neque in sponsis dat causam resiliendi à sponsalibus: 2. Quia per hoc quod violenter fornicationem patiatur, non violat fidem; nec ideo presumi potest periculum ejus postea in matrimonio violandæ. Nihilominus,

Oppositum tenet communis, ac probabilior sententia cum Gloff. in C. quemadmodum 25. V. oculo de iurejur. Abb. ibid. n. 12. Covar. p. 1. de spons. c. 5. n. 2. Sylvest. V. sponsalia n. 10. cas. 7. Sanch. l. c. D. ss.